

萬曆

泉州府志

第十冊

二二至二四卷

泉州府志卷二十二

人物志下之下

朱則文晉江人幼失怙恃鞠於伯氏德春元末遇賊欲殺德春則文抱持號泣求以身代賊感其義兩釋之洪武間夢神告曰天賜汝金助汝不給已而果獲金數十錠則文不營資產悉易穀以濟貧乏後以子鑑貴贈右副都御史

史惠字仕傳晉江人以子盛貴封中書舍人惠有至性其父元吉久羸疾惠侍湯藥不解帶躬親滌澣居喪廬墓孺號終三年衰麻蔬食時有白鴉巢

楸人以為異上其事成化七年

詔旌表

葉秉乾同安人慷慨尚義正統辛酉歲飢出稻二千石入官儲以賑貧民歲己巳沙尤寇發延及諸邑秉乾倡義率民兵屢戰不利被擒賊脅其從已罵不屈而死成化初御史涂棐奏

旌其門曰忠義

秦昇泉州衛千戶祖雄督運道亡葉堃南直隸之環瑯堡昇表糧直至其處扶櫬以歸居父喪廬墓三載侍母洪氏疾衣不解帶者數月御史以聞正

德三年

旌表

陳庸永春善化里西溪人其先自南宋以來兄弟同居至其孫福十二世世業農家範數條簡而整儉而可久世推一人以長家政庭無間言鄉黨尊之寇入境過門不犯曰此十二世同居陳氏也世篤忠朴不近名縣官屢招不至嘉靖元年知縣柴鑄遣吏禮獎之量免其徭役始來一見聞欲申達旌表輒驚避嘉靖五年督學邵公銳得狀深加嘆賞乃以孫生員陳祿枚廩仍行合屬表揚激勸家範

十四條并錄于後

- 一立祠堂一所所以奉先祖額派田租三十石歷代家長各令子姪遞年輪流收管至七月中元備辦諸酒羊菓當堂奠祭婦人俱在以次而列敬奉茶湯
- 一祖墓四所額派田租四十石各令子姪遞年輪流收管至八月中旬秋備辦諸酒時菓當墓祭掃老少盡行婦人不預
- 一男女婚聘家長備禮銀一十兩猪酒在外或外親欲重禮聘父長自備親迎以後賠嫁器物俱入祠堂公用粧奩厚薄盡付本夫收掌
- 一女子聘銀厚薄係父母收掌備辦粧資家長另備釵二雙重二兩段裙褂一付椅棹等項器物一完其伯叔兄弟孀嫂欲助首飾衣服被鞋者隨其力量不拘多寡
- 一本家喪禮或棺槨衣衾并親戚往來吊喪塋祭所用禮儀銀兩厚薄俱家長預備
- 一戶役每年選一人曉事者官掌應辦糧差等項其使用銀兩皆家長支給

一散處置立田租每年選令一人收掌聽從家長支用

一附近田業計畝分與各房子姪勤力耕種收成之時照畝數多寡送納家長支用或情耕以致

失收則將私置田租追賠足數

一子姪將分下首飾置有田業者十畝則抽四畝入衆公用及應辦糧差餘租盡付收管買置衣服或年荒失收則將子姪應分田租支出公用

一候年豐之時將衆中所收租穀給還

一飲食建立二堂以別內外男共一堂在外每食必候同席少長以序不致紊越婦人亦共一堂

一在內每食必候同席少長亦以序不紊其炊爨則妯娌依次輪流當日之人名下使女并養男

一自備火柴菜蔬每人管二日凡管顧往復人客接應茶湯其新娶媳婦入門免一年備辦飲食

一專一聽候織紵或年長已有男婚女嫁亦免炊爨

一當年寒暑男婦所用衣服家長將公衆田租撥出五畝給付各裁種苧麻雜物買換布疋應用

一凶吉事親家親姆來家致祭或作客者備辦諸

羊酒禮就於祠堂延待其禮厚薄皆家長備辦
或客商往來所用牲酒淡飯亦家長備辦
一長幼各穿衣服並同一架欲穿則隨取而宜不
分爾我曉則早起聽從生活農務夜則隨侍家
長已睡而後敢睡婦人各勤蠶織補綴奴僕則
早夜聽從使令各司其事不許混雜
一年少媳婦及過年正月初一日起務要每日清
晨照依次序行禮敬奉茶湯伏事尊長盡一月
乃止餘月初一日
十五日亦行此禮

小岞陳氏其先侯官人宋紹興中有為惠安丞者

卜居小岞是時李文會以故執政還鄉有司沿海

築沙堤以迎之及李氏替而陳氏頗盛入我

朝亦替族姓尚多有五世同居者男女業作皆歸於
公家長掌之無私蓄無私饌衣服稍美者別藏之

有嘉事遞服以出鷄鳴皆起聽家長命其日所業
無敢怠惰士大夫好事者或往觀其家甚有古朴
之風至今不替

李森安溪人慷慨有謀樂善好施郡邑之亭廨橋
梁修建居多嘗出粟二千石賑濟

詔旌爲義民沙寇掠泉界森募死士掩擊之擒其
酋長尚書金濂上其功授漳州巡檢復調安溪源
口司

張弘綱同安人倭寇之亂其父遂夫與弟弘猷皆
被擄索金贖弘綱家貧無所得金度父無脫理乃

入巢泣說賊曰某年幼雖假貸無與不如歸吾父
吾父歸則金可得矣賊質之為刻日而歸遂夫遂
夫終無所得金至期賊酋令縛出與其弟斬之弘
綱復給賊曰父歸必有金可遣弟速之賊又如言
而遣其弟弟既脫弘綱乃告賊曰家貧甚金實不
可得吾以全吾父與弟耳賊怒曰黠兒乃為汝所
賣懸于樹焚炮之

胡有耀字子謙同安庠生素輕財好義為鄉人所
信嘉靖戊午倭虜至其鄉有耀散財結社以禦之
度力屈令其妻子宵遁謂之曰吾與衆盟義無獨

去明日率其從與鄉人併力爲拒賊計以脫諸婦
女老稚力罷爲賊所得罵不絕口被戮獨慘事聞
贈州同知祀于鄉給其子冠帶

韋起宗晉江儒士生有至性三歲喪父見母蔡懷
毒欲殉跣步不離側稍長毀哀思父竭慎事母母
病籲天祈求旌母節歷三十七年悲悵喪明及
旌目復視母歿既塋廬于墓側痛喪父未勝衰追
服如初將塋母淫雨浹旬袒哭雨中天爲霽歲嘗
苦蝗旁墳木盡稿抱樹而泣蝗不入界一日暴雨
有白衣人呼之出起宗出廬遂壞六載始易麻旋

居即廬築墳囑諸子勿易他處卒年七十六臨終無他語但呼母曰天旌至矣其終身慕如此國人稱曰韋孝子有司易里名曰節孝歿後數十年里遭回祿故居兩鄰煨燼旌節坊獨存人謂孝感得天即地下猶有靈也萬曆二十八年御史爲具題詔旌其孝

王煥晉江人幼喪父母李氏誓殉育之煥事母至孝遇親諱日伏哭盡哀以貢授瀧水訓導病免歸其庶子文昇途侍煥行遇洪水且有劫盜文昇負父匿空館卧木板上立侍水中者三日母春月病

思食荔枝不得取陳者漬而進自后每薦荔枝對
之流涕終身不食人稱王氏二孝子御史陳子貞
爲請于 朝旌其閭

王定民惠安人性至孝家貧以鬻金楮爲業日度
贏得錢幾何半給家半市酒肉供父母饌父病足
痺定民蚤入視寢安否旋背父出坐對客父喜奕
定民時懷錢授里中父老狎與父奕者語之曰庶
幾當父驩耳公母竟所長困吾父里社會致父父
謝病定民勸父往先之譙所數父坐席設帷布以
御風暮客散俟諸門外傭一役共與父歸父忘其

病葉令春及聞之曰此一飲食一跬步不忘親者
真孝子也造其廬揖獎厚餽之

郭尚謙字鳴吾晉江人爲郡諸生家石湖海島上
嘉靖季倭亂一夕賊艘數十至里人望見俱走尚
謙謂兄尚友曰賊來必縱火兄護母避之吾將與
父櫬存亡矣因以麻經自繫樞側誦孝敬歌見志
賊駭而問之曰有父櫬在如有他虞願以身代賊
加刃其頸撫棺悲慟賊感傷舍去賊退乃葬父而
舁母於郡城教授生徒供養人稱爲郭孝子
王肇禎同安古庄人與父伯騰網魚牛鼻溪騰溺

深處禎跳身援胥溺焉會同儕者亟拯禎出騰忽
浮水力殫氣憊禎復投護之竟與偕殞

張志越晉江人父老喪明手足痿痺志越侍攝几
杖未嘗去側衣服飲食務適其志母患瘤五載志
越旦夕籲天祈以身代夜夢一老人拊其背曰子
勿恐屬女醫來痊矣詰朝果得女醫治之應手愈
鄉里以為孝感居喪哀毀一遵古禮郡守朱炳如
旌所居曰彰孝

林肅晉江人年十六時其兄以鋪里之役被捕走
匿肅蒙帽頂名自詣受役人壯其義善居積知取

予致美而好行其德建宗祠卹窮族田租市券有不能償者輒捐之嘉靖季年大饑顧司徒公鳩大家施粥肅率先為倡而又廣治父母墳塋以畚鍤活流離者鄉人甚德之稱為長者年八十餘卒潘寬晉江筍江人天性孝弟人有誣訟其兄者奮身代白得解兄嘗病藥不可愈寬割股和肉以進遂痊先時寬父德政有不拾遺金之美諸名公嘉其世德多為傳贊焉

女德

宋

呂仲洙女名娘子晉江人父疾篤娘子焚香祝天求以身代及股爲粥以進時夜中群鴉遶屋飛噪仰視空中大星燁燁如月者三翼日父瘳女弟細娘亦相從拜禱娘子卻之細娘恚曰豈婦能之兒不能邪守真德秀嘉之表其居曰懿孝

楊氏女同安人父安國患血疾逾年不愈女取肝爲粥以進父疾隨愈里人林士元有記

張氏女永春人年及笄未婚紹定庚寅寇犯邑入山避之猝遇遭掠欲汙之不從度不得脫給賊曰有金帛埋於家同歸取之甫入門大呼曰吾寧

於家決不辱身賊怒殺之越三日面如生親黨嗟異以烈女表其墳

蔡若訥妻楊氏晉江人廉州守友之女讀詩書論語孟子皆能通大義寡居時年二十二守節不嫁書乞為寒水玉願作冷秋菰二句于壁以自勵士大夫多歌贊其事稱為楊節婦云

張澈妻呂氏南安人光祿卿璿之女澈蚤卒誓志不二歲大饑施粥食餓焚券棄責幾萬緡辛勤教子過竟登進士及卒端坐而逝越日顏色不變柯述為作賢母傳發運使胡師文為狀于朝